



Broj: 150-15-4-1812-5 /21 SAK
Sarajevo, 08.10. 2021. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27.07.2020. godine, guverner Centralne banke Bosne i Hercegovine donosi

ODLUKU

o izboru najpovoljnijeg ponuđača u postupku javne nabavke usluga – održavanje sigurnosnih vrata

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – održavanje sigurnosnih vrata, putem otvorenog postupka, dodjeljuje ponuđaču AGENCIJA KAMIR d.o.o. Široki Brijeg, u svemu prema Ponudi broj: 001-951/2021 od 29.09.2021. godine, na period od dvije godine.

Član 2.

Ponuda ponuđača iz člana 1. ove odluke glasi na iznos od:

29.960,00 KM bez PDV-a

(slovima: dvadesetdevethiljadadevetstotinašezdeset konvertibilnih maraka i 00/100)

odnosno

35.053,20 KM sa uračunatim PDV-om

(slovima: tridesetpethiljadapedesetri konvertibilne marke i 20/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Odjeljenje za sisteme sigurnosti Centralnog ureda Centralne banke Bosne i Hercegovine (u daljem tekstu: Odjeljenje za sisteme sigurnosti).

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za sisteme sigurnosti i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova Odluka će se objaviti na web stranici Centralne banke www.cbbh.ba istovremeno s upućivanjem obavještenja o rezultatima postupka ponuđaču koji je učestvovao u postupku

javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – održavanje sigurnosnih vrata, pokrenut je Odlukom, broj: 150-15-4-1812-2/21 SAK od 29.08.2021.godine.

U skladu s tim, Centralna banka je 17.09.2021. godine na portalu Javnih nabavki objavila Obavještenje o nabavci broj: 1370-1-2-422-3-259/21 zajedno sa tenderskom dokumentacijom.


U predviđenom roku za dostavljanje ponuda, odnosno do 04.10.2021. godine do 10.00 sati, blagovremeno je dostavljena ponuda ponuđača AGENCIJA KAMIR d.o.o. Široki Brijeg.

Komisija za provođenje postupka javne nabavke je izvršila pregled i ocjenu ponude i konstatovala da pristigla ponuda zadovoljava sve uslove tražene tenderskom dokumentacijom, te je u u svom Zapisniku o pregledu i ocjeni ponuda, broj: 149-15-4-1990-5/21 od 04.10.2021. godine i Izvještaju o radu komisije sa preporukom broj: 149-15-4-1990-6/21 od 04.10.2021. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

GUVERNER
dr. Senad Softić



Dostaviti:

- učesniku u postupku;
- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za sisteme sigurnosti;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original).